



山谷老人刀筆卷第三

初仕至館職三

與徐彥和 五首



再拜比因太<sub>和</sub>普覺院人回寓舊信左右當已呈  
徹專人辱手誨勤懇審監郡草偃風行又得從容  
於文字推側但以惠鰥寡忠實以教官吏力行所  
聞不以才高位下而自貶損神之聽之實百福之  
所會惠示壇經牋訓極見用心之美今時道俗往  
往不護言行斯文之作實不虛費翰墨若欲究竟  
茲事更須退步損之又損恨不得相見爾謹奉狀  
臨書懷想

又

某頓首前承損惠壑源蘇合方在南昌人事紛紛  
不暇開視及還山中碾試壑源甚妙蘇合穉盛所  
未嘗見計與異時所得均合中者相縣也感佩佳  
意无以爲諭香法今錄上不知公庫方尚在否或  
合得成令惠一二兩幸甚

又

頓首前附隆慶僧人回上狀并煩調護刻未明示  
衆語計已興工若早得十數本帶向北亦佳所惠  
香非往時意態恐方不同或是香材不精及婆律  
與麝不足耶前錄上小宗香法必已徹几下矣欲  
寄新双井以山寒尚微它日別求便附上石刻數  
種謾塵齋中墻壁不足觀也

巨瞿殿甲呈進

又

頓首前附隆慶人拜書當已徹几下自頃多病不  
能嗣意即日不審何如伏惟監理甚辦內外蘄  
點吏无所持手頗甄別官曹人物精確定不使玉  
石俱焚也所寄詩文久乃得熟觀之極見琢磨之  
功奉想丹墨之暇左右經史時以古人用心處一  
浣刀筆之塵也未緣參承惟有懷想不宣

二

太和尉裴安世如晦之子其人好李善士但恐爲  
吏不甚快捷不稱尊懷嘗試接引之否其家有如  
晦時妙書及古墨皆天下之選可試觀之也前所  
寄香似与小宗不類恐元是香材不妙使香材尽

如所惠蘇合之精自可冠諸香矣意可尤須沉材  
強妙前錄意可方去似遺兩種物蓋當於諸香後  
云龍腦麝香各三錢別研若果遺幸增入更有一  
鄭康成汪漢宮香法未檢得續寄上双井似羌勝  
去年謾寄一區嘗試如何

與景温都運 五首

再拜啓伏承拜延閣之命將漕以寬憂顧伏惟驩  
慰然公勤勞閩陝之間十餘年白髮王事此未足  
以酬茂勲也比諸公稍相知察伏冀好謀而成以  
綏百祿區區祝頌

二

公擇十月五日遂畢窳窳傷痛何可言幸野夫在

上卷甲五進

江西調護不爽耳骨肉在楊頗得堦止楫典領生  
事甚有意非所助錢即送之云亦不以爲日費也

三

双井曰芽露牙各二種謾往恐閩中湯餅之流不  
能味公家壑源則鷄蘇胡麻合烹之亦時須此物  
耳

又

再拜伏蒙賜教勤懇感慰无量冰雪寒冷不審按  
部所止台候何似伏惟旌旆偃息文武能否皆効  
於前鰥寡得職神明相之動靜燕喜尚阻參侍臨  
紙懷仰伏祈爲因自重謹上啓

又

再拜蚤來草具牋記道所以不能至館下之救并  
送茶當已達聽下伏奉手誨勤懇感慰先公行錄  
副本已領所欲乃跋尾聖伯老親醫藥小間可下  
筆并前帑軸寄上盛暑小勤行李願爲國自重

與景善節推

得仲謀書承以失率將不遂迂官公頗歷世故艱  
難當解此物去來矣不知今調何官洵仁得安問  
否无緣會面千万強孝自重當官愛民以行所聞  
謹勤手狀

與李伯時 四首

頓首適自省中歸過令親門問得車馬不至遂馳  
歸已放散從人遂不可出他日可約一集幸爲達

皇朝甲子進

此意適到家却檢得玉潤帖不審須未

又

頓首失晚集良耿耿然爾後只約公家集亦好玉  
潤帖欲換標及以淺碧闌之未及尔今以爲壽數  
日間上謁

又

頓首累日不面懷仰則勤寒暄終未適宜不審休  
力何似聞公復得一區虎形宜有是乎張仲謀欲  
屈車馬到騏驥云堂陰甚清涼又有荷花明亦一  
往長者能來否若來乘蚤涼爲妙謹啓咨承

又

頓首累日不聞鞭策之音不審体力佳否來日欲

同無咎文潛會于啓聖公能來否局中飲了便出  
即至彼矣

與張仲謀 三首

來日早具素飯幸屈願聞公不以麤粝欲知竹林  
齋厨之味故敢奉邀尔

又

朝涼伏惟起居輕安輒具早飯幸玉趾來屈斯立  
无咎文潛皆十齋故不設葷味想不以蔬飯為菲  
薄也

又

頓首前日髣髴聞是太君服藥不甚審諦不敢遣  
問得教承已安予甚慰子列被盜公宜少補之天

與張仲謀

乃苦其心志如此意當小亨也明當得面

與人

前承諭作木山記跋尾以明允公之文章如天地  
之有元氣萬物資之而春者也豈可復刻畫藻繪  
哉往年歐陽入忠公作五代史或作序記其前王  
荆公見之曰佛頭上豈可着糞竊深歎惜以為名  
言凡作序引後記焉无足信於世待我而後取重  
尔足下深諒之

荅王觀復

承問所以尊名者輒奉字曰觀復維亨嘉之會草  
木亦樂其生天見否塞君子有失其所故曰天地  
变化草木蕃天地閑賢人隱君子所以處窮通如

寒暑者何哉方万物芸芸之時已觀其復矣比來  
嘗苦心痛略元三日不發時故懶作文字且寄奉  
字之意如此

與衛嗣賢

嗣賢之孫欲令名書字繩祖漢衛宏得官書數部  
頗得攷正古文異他日來問可以繩其祖武也某  
上

荅陳敏善 二首

陳君足下因江季共辱書勤懇然牋敬逾札見處  
以丈人行則不敢當往在場屋與喬卿同年相  
近故相視爲兄弟實以丈人拜先大夫也又書辭  
所推與太過亦非所敢當古人有言天下有名立

五其二在河南其三在河北涉乎陳衛淮晉之郊  
所見碌碌諸士便謂足以當之恐不免爲大方之  
家所笑耳雖然与足下草木臭味相近也故不得  
不相語越鷄之不能爲鵠材不足故也若不肖之  
才又安能及此豹藏於南山之霧而文章爲國器  
者不可掩故也若足下之文何患不赫赫於世也  
所惠別卷詩詞意清麗讀之使人亶亶足下年少  
方日新而未已也他日不肖方當望奔軼絕塵而  
歎耳河出崑崙墟雖其本原高遠矣然渠并千七  
百然後能經營中國而達于四海願足下思四海  
之士以爲友增益其所不能毋豫速化而已暑雨  
方作淮南已卑濕不審比來何如伏惟侍奉万福

季共來趣報書匆匆才能作此記

又

奉親趣官期得侍奉恨不欵然望見風度蓋已使  
人意消况聞諸餘臧否人物之戒謹當奉以周旋  
爲政之務慮不厭熟則寡過睦僚佐則事奉大雅  
之爲人謀至深遠矣立叅於前坐倚於衡何日忘  
之時節寒冷勤加調護省思慮可以已疾陽德之  
亨願君子受祉敦厚風俗小詩歸賦高明以見傾  
倒之意

荅知郡大夫 四首

再拜啓霜氣日嚴伏承尊候康和慰喜无量奉賜  
教曲折恰問感服至深家信上煩願旨愧不可言

臣瞿政甲呈進

蒙誨諭意思不佳三界無安爰爲根本惟洗心於  
道者不受纏縛不審頗觀佛書否若於此有味不  
能化煩惱境界超然安樂尚阻親近輒以食芹之  
美獻諸左右率易恐悚上狀不宣

又

再拜公人回奉委曲教存問勤篤至深感慰審尊  
體勝健縣君萬福貴眷皆安佳良慰詹仰家書煩  
願旨即寓適幸甚幸甚拂衣之興莫更熟慮之否  
眼前不可意事惟大雅之度俯仰不愧於天人又  
何憾焉尚阻詹近曷勝馳情謹附承動靜某再拜

又

再拜啓時雪霑渥蓋出潔齋祈禱慰滿民望伏深



慶抃比承卒歲府廷苦文移堆壅伏惟撥遣有間  
已復虛靜春色妍暖想府中時有會集荒壘孤寂  
亦有書冊足以自遣河東叔父轉寄到書信今閑  
納左右某再拜

又

再拜客官不能以家來官舍蕭然如寄他人視之  
若可憐伏蒙大雅捐去等威之阻敦以親親之意  
衣被飲食拊嫗之甚厚使能忘其逆旅拜賜多矣  
解官善去實亦出於推獎撫憐稱謝之言非可以  
一二盡也行日遠勤使節臨遣南城塵沙反顧中  
心耿耿平原以遠餞者復留一日賓客紛紛故未  
能上狀累日天意欲雨暑氣煩鬱不審躰力何若

臣聖政甲子

伏惟動止輕安縣君萬福諸姑姑安勝十九娘同  
外生無恙四十七承務必已到家東床平禮佳健  
除書必已拜命矣某道中率以四鼓就馬已初解  
裝都不覺暑氣今日晚及冠氏來日趨大名矣遣  
還安德人困倦上此狀極不如禮仰恃眷憐有素  
故爾耳乍遠左右不勝下情伏乞爲國自重以慰  
瞻仰謹上狀某再拜

荅太平州梁大夫 三首

承別紙誨諭恩意千萬差人極荷眷予曲折北行  
遂辦矣朱掾有父兄之舊其人亦好義趨急難想  
被教事無不經意也伯氏越州司理欲相送至府  
畿暫寓南禪似便餘須奉面可既邑中借書吏作

牋書字敬傾小大磊磊不能如禮伏幸裁察

又

當塗號為 訟高明臨之內外皆得職宴寢清閑  
必常有尊酒之集湖陰邑中士大夫多可人又百  
物價平於貧家寓食甚宜寄館近縣無盜賊之憂  
也承存問勤甚故爾醜縷

又

陳無已蒙朝廷簡拔豈但慰親戚朋友於學士大  
夫勸焉仁人在位國家宜數有美政如此耳

荅聖與權郡 二首

伏辱書賜勤懇叙襄賁總 角之舊欣悵兼懷道出  
貴部遂有叅承之幸何慰如之夏氣暄濁不審何

如伏惟簡易清平從民所願寢食之味有神相之  
兩日苦賓客至二鼓乃辦作此極草草伏幸裁察

又

竟日得奉緒言承長者曲敦故舊之歡不但地主  
之禮也且來伏惟起居輕安抵晚遂行不遑詣別  
上狀草草不宣

荅曹荀龍 四首

辱書勤懇審侍奉間從容山水頗得遊於文字慰  
喜無量寄惠新詩知俯仰山川考合書傳日有新  
功甚善足下能學問如此到古人豈復難耶遠寄  
鹿脯魚脯皆以奉老親且甚精美感激感激又承  
寄香及筆與小德此兒頗壯少文甚愧愛厚也

二  
承尊府解官欣慰無量北來莫得言面不及千萬  
自勉自愛晁無咎已赴淮陽想日近得相見先得  
合并之願良可羨爾俞清老貧悴未有以振之真  
負此愧而子方邦國有言有守之君子也豈識之  
乎試訪求之至山陽可求見徐積仲車同年此公  
賢德其聰明智慮千人之傑也

又

辱書勤懇感慰承奉親在江湖間縣僻無事何樂  
如之在康莊塵埃中常苦人事奪光陰得岑寂處  
可讀書作字佳耳讀書勿求多唯要貫穿使義理  
融暢則欲下筆時不塞吃也阻面故云此

程氏甲呈進

又

辱書并惠崑山希極副所乏銀魚脯亦佳荷遠意  
勤懇承侍奉萬福邑中既屏人事頗得李問想有  
日新之功恨未得面見所造詣爾自去年三月後  
多病不復能作詩舊詩數篇謾往巢有山川之勝  
楚漢間遺事有可溫尋者乎有新作宜因以來賦  
題不必甚高衆人所同用便足要於題中下少功  
夫爾頃有數篇六韻詩為姪輩戲作欲奉寄適有  
少憤憤事未辦檢錄後信可往作賦要讀左氏前  
漢精密其佳句善字皆當經心略知某處可用則  
下筆時源源而來矣

與人二首

頓首廬陵之別忽復四年雖書問不通時得動靜  
彷彿於南方親舊間耳人來伏奉教賜勤懇感慰  
無量仕宦不遠卿里定省之樂不廢親側又以文  
字爲職何慰如之往者行李道塗淹留不及求樂  
之事天於公至仁厚矣想能夙夜文事以銷往者  
好武之崇以爲尊府君之壽孝官旣無吏責頗得  
一意於文史想數有論著能遠寄以慰嬾墮不進  
者幸甚幸甚某碌碌中秘書幸得窺金櫃石室所  
藏但老嬾無復日新又衆口食貧思得一江湖羗  
遣使老幼溫飽耳

又

承欲作初食苦菜詩還能落筆否大率作詩因時

記事不專爲小物役思乃佳耳前日承往歲所作  
一詩皆以食菜斐然而成欲手錄呈數日冗甚未  
了續當送不伐處也欲封兩割俸券并作書送通  
判所封未畢續附行軒也

與王謹中環中昆仲

某頓首累屈車馬欲一至舍所問動靜常以休日  
有賓客慶弔事力不暇給非恃相愛有以忘其不  
肖豈敢尔耶承朝夕遂出都臨風依依願道塗善  
護行李至山中便有登臨之樂豈與奔走塵埃中  
者同味耶然鄙夫於此處具復不淺山中有新作  
不惜時見寄也前示兩軸皆高秀有江南山川之  
雲氣前携至館中欲示數同舍輒溷在群書間檢

尋未了他日檢得謄下本當寄還也環中所要子  
瞻日日出東門及陶家佚老堂詩偶檢本不得亦  
當別寫寄三二日若未行尚可約慧林一面耶謹  
奉狀

山谷老人刀筆卷第三

在聖成甲是進

山谷老人刀筆卷第四

初仕至館職四

與人二首

頓首伏蒙賜教存問勤懇審比來萬福如常實慰  
懷仰豈弟君子退處閑散每與知者共歎得所賜  
委喻累帑但增歎耳方朝廷每事循軌轍又知公  
者多不在人材之地故尚爾淹留造物者常因其  
材而篤焉如公夙夜靖共豈久廢者耶願進德不  
怠以綏百祿

又

南方歲事雨澤及時否諸道多不稔朝廷遣使旁  
午未慰肝食憂勤也聞江湖頗得歲審爾訟訴亦

應稀簡郡雖僻陋君子居易以待時想能安樂也

與崧老

再拜奉別忽復八年雖於親舊間時聞動靜而奔走南此無緣作記以修鄉往唯攀仰不忘爾昨兄弟往來貴部皆蒙勞來甚勤久欲通書道謝而冥煩困於簿領忽忽以至今即日不審何如伏惟邑里安於豈弟狂獄肅清齋閣時有文酒之樂某竊食於此無以庇民襦被以待菟除耳未緣參對唯冀自重以需百祿謹奉狀

與王及之賢良

頓首前辱車馬屈臨匆匆未得參候重承書詞稱述如後進見先達之禮不肖自視歉然實不敢當

但愧恐爾高文一編蒙不以交淺傾困賜之恩意甚厚爛然盈目未能得其味但欽伏爾綉川集計多有本輒乞取藏之春秋論策借留熟觀對客上答不如禮

與周甥惟深

甥天資甚美但恐讀書未得其要觀古人書每以忠信孝悌作服而讀之則得益多矣亦不必專作舉子事業一大經二小經如吾甥明利之質加意半年可了當以少年心志治君子之事業耳學問當以不及古人為戒勿以一日之長繫主司得失為意則世間疾苦不能入矣

與孫克秀才

頓首辱惠顧勤懇詩已徧觀之矣詞章清易得  
可學之才也請讀老杜詩精其句法每作一篇必  
使有意爲一篇之主乃能成一家不徒老筆硯玩  
歲月矣酒三尊謾送去以沃旅愁草草某白

與趙伯充

學老杜詩所謂刻鵠不成尚類鶩也學晚唐諸人  
詩所謂作法於涼其弊猶貪作法於貪敝將若何  
要須讀得通貫因人講之百許年來詩非無好處  
但不用李亦如書字要須以鍾王爲師耳

與濟川姪

濟川姪夜來細觀所作文字甚有筆力他日可爲  
諸父雪耻但須勤讀書令精博極養心使純靜根

本若深不患枝葉不茂也

與懷道弟

四十二弟資性甚美文字亦有筆力然須得師友  
琢磨刘元樂有行義甚可依潘洪諸少皆有文藻  
与游必有弘益正是强李時光陰可惜也

與宜春朱和叔 二首

承頗留意於李書脩身治經之餘誠勝他習然要  
須以古人爲師筆法雖欲清勁必以質厚爲本古  
人論書以沈着痛快爲善唐之書家称徐李海書  
如怒猊抉石渴驥奔泉其大意可知凡書之害姿  
媚是其小疵輕佻是其大病直須落筆一一端正  
至於放筆自然成行草則雖草而筆意端正最忌

用意裝綴便不成書

又

細辛爲物最柰久藏若有但見惠得二兩許便足  
合老兒一藥待此而成不審曾爲尋否市中買到  
只是馬蹄香耳

與人

拜手奉手筆喜承起居輕安齋罷欲到城中借人  
馬來因爲調老駒可也隕隊賈墜碩隊義皆同耳  
昔人自有憂官家養底彙佗夜間无睡處但是識  
量不同亦不必恠也非敢抗荅但據理論之耳

荅萊州使君 二首

昨晚到舍得所惠教并煩再置新醞極荷勤懃前

荅萊州使君

日承方飲輟惠甚副服藥之須重煩乞鄰亦得來  
日爲老兒祝壽拜賜良厚也夏藥亦佩嘉德庚伏  
天羌可堪伏惟侍奉万福蘭亭未到到即送上詩  
刻二本不足觀謾往

又

重煩貺以羊麪礼意過當何必如此荷故人之情  
惓惓不敢退避但增塊耳謹動手狀道謝万一

與鄧仲常 二首

不意变故嘉興郡太奄棄奉養伏惟追慕抱携顧  
復之勤哀苦何以堪處日月川流遽至成服創痛  
何堪柰何柰何惟以理喻痛致刀襄事謹問匆匆

又



承湏挽詩顧鄙句不足以相哀紉見謂之勤敢不  
奉承數日間當遣上矣

荅監使殿直

辱書勤懇并惠送井泉荷惓惓之意某到城三日  
賓客人事幾無暇望見公書齋亦自有思故名  
作詩卽復得此暇望見公書齋亦自有思故名  
齋曰寸陰又所作曉光亭名亦不雅馴今名亭曰  
閔幽其意具別紙眼花極草草

與君實仁親

揚華店有土井清冽而甘不作土氣自双井來所  
經井泉數十皆不及此惜張又新陸羽輩不及知  
也公好事而有俊氣希爲發揮之欲奉煩以伍升

臣瞿啟甲呈進

瓶實兩器取井傍石十數置其中令水不濁青翳  
蒙頭石灰泥送至郡中早得乃佳

此欲爲忠父作小字數紙未暇然盱眙相望數舍  
亦易致達幸垂照也

與職方大叔

至京一月未及參拜豈於左右真尔闊疎耶初入  
都卽謀安親之地既定則病今日小愈方試行戶  
庭間力未能鞍馬也七兄還家謹聞動靜深以爲  
慰承廩稍不給聚族白髮勤官况味尚爾耶病起  
力乏上狀不如礼

與六姨 三首

再拜歲初到家兩苦癰疽又賓客無日不在門故

絕不得暇久缺修敬惟深瞻仰春候暄暖即日伏  
惟尊体動止輕安道齋香火精勤不懈主簿及新  
婦夙夜率職孫女長茂某雖再乞江淮一差遣比  
被堂劄趣行方治行李爲遷迤江淮聽命之計非  
久亦至城下當候參覲謹附承動靜頤調適平等  
心以養眉壽不備

又

再拜啓季春極暄伏惟尊体動止萬福一向以供  
職都下匆匆才了眼前故不能上狀每蒙批記感  
慰至深龍姥來能詳通左右動靜承頗以家事未  
就緒多伏枕近湯藥遠思不勝悚惻官小食口衆  
未能以秋毫助左右但曾中盤一車輪耳俟更與

呈進

六舅熟記之然人生只如此唯望以聰明回保安  
強以待災去福來迺可爾無辯可以息謗無爭可  
以止怨此最事簡而易行願留意於此唯望以聰  
明回光自照焚香誦經勸督齋郎奉業以待時至  
祝

二

前蒙手作嶺外十竹遠寄以來勢飛動即與坐客  
同觀之無不歛衽欽嘆當每竹記數句語標軸它  
時與中州士大夫共此奇觀也但恨未盡識此竹  
体性之所宜或能因暇筆示幸甚竹族類最多而  
神農本草齊民要術戴安道竹譜皆不能盡其種  
相体性常欲疏記恨所識未博耳所寄紙軸猶未

暇落筆寒夜就爐或可作即上寄至親間時有可  
快快者但願純以慈悲喜捨視之則冤憎氣消心  
意安樂白頭受福以庇孫曾古人言必有忍其乃  
有濟有容德乃大六姨聰明必能融解此意

與范宏父

再拜昨旌旆在城東以老親醫藥未間不得至館  
下欲再遣騎承動靜而使節已行公私匆匆因循  
至今天氣比來寒暄不節不審南上如何比惟按  
部所止官吏効實鰥寡得告神之所聽起居百福  
尚阻參承臨紙增情願為國自重以須召節謹奉  
狀

荅佛印中元禪師 二首

聖賢成甲是

啓往來廬山雲居之下聞道譽籍甚而不得面惟  
是言句多傳中朝士大夫間望風懷想則勒耳忽  
辱示書存問勤懇小人沉迷俗狀去道甚遠何以  
得此於善知識也未緣參對願為甚忍世緣謹奉  
狀

又

某汨沒塵中懷高勝之風无日不勤因來何以教  
之

與雲岩西堂和尚

雲巖西堂和尚即日伏惟少病少惱氣力安樂等  
觀衆生慈悲引接得无疲勞蒙賜書重重告教止  
爲此事恐某前來悟處不實深見老婆心切万里

相對豈可自謾若不任麼終不去通箇消息念念  
不續徹底惟空都无道理沒可把捉更雖劄甚處  
三乘十二分從上祖師一切所立法門尽是止啼  
錢无絲頭許可掛唇舌都无所合故於普賢行願  
中百巧千拙且恁麼過有病處頭加鍼艾无緣親  
近憑此問信

與雲岩禪師 二首

頓首辱手誨審道衆清肅四大輕安良慰懷想惠  
示木石碑刻拙字煩剪被甚愧石門閣字氣象差  
可觀題名刻得石文較敲迺似古碑爾

又

承此來微冒風寒伏想四大已佳知事竭力道衆

雍肅當自无惱未果求益論但有懷仰換牌甚荷  
留意亦愧不會作客勞煩主人耳碑成若得暇或  
遣人往取也人回草草

荅清隱禪師 二首

頓首風水淹留幸得對談塵殊慰寂寥二十九日  
解舟到山下阻風兩日相望二十里極思茶會顧  
陰慘不敢遣人奉邀爾到星子便承監院垂訪出  
先後所惠書荷勤懇并維摩香臺山茗石刻皆領  
併謝嘉貺到城下人事便紛紛不能如阻風處得  
閑作書奉謝良草草雨寒想道衆肅雍多爰多爰  
又

寄惠伽陀大爲佳作甚有警策也人事多未暇奉

和建溪三十鳥盞十右送清隱接待四海五湖

與觀音院長老

昨日承訪別荷勤懇知衆隨者衆蝸舍不得少延  
餅錫甚規早來行李衝雨良勤既治舟行想須盤  
桓雲岩兩三日拙頌不足觀謾表意爾双井遽索  
得少許已不甚佳謾備乍到煎點道塗惟冀善愛

荅廣公閣梨

頓首承示喻欲刻藏記小字舊文拙惡何煩特地  
但且留日本示人可也今別寫永明智菴禪師示  
衆語一本請令善工刻之乞守倅銜已自有書道  
達佛法淡薄魔事熾然有力道人正當出手扶救  
想必欣然成就此緣也

聖教甲呈進

與翔大師二首

頓首昨病瘡數日既參告又公私紛紛故不采瞻  
謁辱教喜承堂頭氣力安樂道人爲清衆竭力甚  
善甚善玄公宗派固願託名其後但未曉所欲作  
序意旨一二日到寺中咨問吾兄與承天方可下  
筆也

又

頓首昨曉同款語甚慰旦來想日力增勝判狀納  
上

與雲居教首座

伏奉禪師七月七日遺書承即以是日薪盡火滅  
魔事熾然法幢摧折人天所共悲仰伏想山中異

類悲鳴草木變色凡諸外護仁賢誰不哀痛聞闕  
維有日恨以世諦束縛不能往同法會今送香一  
合并燒香頌去幸爲告白匆匆萬不一陳

與余洪範 二首

伏承教荅敬佩磨琢之益論聽言之道有之則吾  
改之無之又何卹焉則洪範之論雖盡聖衆不可  
家說而戶曉則又相傳以爲長短此物理之不可  
免者也則不肖論之盡矣於流俗與之則無不傾  
盡不能得一事止作許多關鍵則又不肖之病矣  
誠不可鍼艾者也自省以來浮流世俗之風波四  
卜生莫不過如此也飢食渴飲困則歛卧如瞿星  
入水不落羅刹計中不肖亦不能學也

聖教甲星進

又

所論上黨風俗可病何時不然八風與四威儀動  
靜未嘗相離也雖古之元聖大智有能立於八風  
之外者乎欲斷此事當付之党彥進尔党在許昌  
有說話客請見問說何事曰說韓信即杖之左右  
問故党曰對我說韓信對韓信亦說我矣即公不  
聞洗耳而已

荅張益老 二首

頓首少同里閑又接懿親科場中亦聞緒言而從  
食南北缺然音問不通者二十餘年忽奉來教存  
問勤懃慰此占思承游意塵埃之外得妙手於梓  
匠之斧斤又過辱推許以李古之意欲徧爲諸琴

品藻稱述誠願附名於不朽然法不孤起仗境方  
生此公之所聞也要湏它日得一披拂乃下筆尔  
人回忽忽上狀

又

斲琴要湏以張雷爲準非得妙材不加斧斤故傳  
百世耳閔百世而不慚者固鈍而後利都下有杜  
瓜劉栗皆爲名家不以乾沒易其素志雖微物亦  
傳况此嘉噐能得古人之風聲氣習者乎

荅程德孺運使

再拜啓昨日辱大旆屈臨置飯因得聞所未聞甚  
慰從來恨行期促迫不得繼承益論耳伏奉手誨  
審經宿尊候萬福爲慰今早侵晨出城不敢遣使

甲呈進

承動靜方此阻遠願爲國自重以湏進用謹勒手  
狀

與人

頓首來日欲屈文潛過觀音晨飯午後具數盃只  
是斯宰兄弟邠老兄弟共六分耳多得珍品乃佳  
或借一庖人就觀音具之若有麇鵝盤兔之類就  
此煖湯耳續馳納五千去奉其費或不足更示喻  
酒已具於此噐用之類皆資公家也

山谷老人刀筆卷第四

聖朝甲子進

山谷老人刀筆卷第五

丁憂一

與洪甥駒父 四首

老舅不孝天降酷罰外婆郡太六月初八日棄背  
 諸孤叩地號天無所告訴若痛煩冤心肝崩裂苦  
 痛奈何冤苦奈何日月不居奄經四七攀號不逮  
 忍苦未死奈何奈何二十一日七舅來自汝州兄  
 弟相持號痛哀絕奈何奈何想吾甥少失所恃比  
 歲數見外婆今復求失當深悲苦幸朝廷恩厚例  
 外賻絹二百下本屬應副葬事今已得五舟并舉  
 二十八叔母孫謝兩舅母四喪歸葬但以暑伏未  
 敢扶護登舟然行期亦不過此月下旬矣哀荒不



能一一江潘諸友訪舅存沒者以此告之不次某疏  
告

又

駒父推官外甥得去十二月十日所寄書審官下  
勝健爲慰近龜父自南昌來相會數日文字極進  
亦兩得文城委曲甚安也老舅哀悴荼毒扶護艱  
勤水行略已半年經此歲序哀摧感咽殆不自勝  
今日入分宜界溪山草木觸事痛心奈何奈何比  
以雙井舊宅不能容四十口十四舅已就溪濱竹  
間作一宅可庇風雨葬事徐圖之在九月十月間  
也諸事亦稱有無爲之耳劉四家禍乃至於此言  
之使人動心今不知遂在何處居也咸臨傳詞來

五  
五

光華亦足慰泉下之人矣璧陰日新之功當不止  
於此因來更數寄頗得暇治經否此乃文章之根  
治心養性之鑒又當及少壯耐辛苦時加鑽仰之  
勤耳鴻父何婦吉禮在幾時且留官次否小舟几  
研動搖作書極草草不次某寄

又

老舅孤苦病羸苟活未死粗能饘粥以奉堂殯日  
月不居奄經祥練追慕不逮痛深屠割奈何奈何  
煩冤荼毒殆不自勝重以給事叔父之喪號痛幾  
絕創鉅痛深加以砭割奈何奈何遠承書疏存問  
但深感塞新文寓祭讀之委涕無緣相見訴此痛  
毒因人還草草荒塞不能萬一千萬將爰慰此懸

情不次某寄

二

某承兩外甥寄惠安康挽辭悲摧感塞無以爲喻  
大事之期卜以來年二月初吉今饗堂陶石之功  
略具矣一木一石無非七舅親致力也舅疾苦之  
餘幸能饋粥唯苦廢志亦是年將五十不堪憂患  
耳駒父鴻父及此富於春秋各須強學要須窺古  
人用心處乃可少暇豫也多病相勞即頭眩書不  
倫次某白

與洪甥龜父 二首

得過中書審侍奉大母縣君安裕同諸弟進學不  
倦甚慰懷想即日霜寒想同新嬪供具旨甘不匱

聖朝甲呈進

黃州教授得安問寄詩比舊增勝每得所寄文字  
雖哀苦憔悴中亦一開顏也所問禮樂事具悉禮  
樂者聖人所以節文仁義至於大成者也修之身  
立於天下一法也一物也樂由天作禮以地制夫  
範圍天地非聖人孰能之惟聖人能遂萬物之宜  
通天下之志萬物皆得宜禮之實也天下皆得志  
樂之情也董生王吉劉向所論蓋欲用先王之禮  
樂宜於世者以教化民此與聖人之言不悖孔子  
所論孟公綽下莊子之徒蓋或過或不及非以禮  
樂節文之則不可以爲成人如孟子所論合矣聖  
人者知人之本根材器故其用禮樂也知變化之  
道與天地同流故鍾鼓之間而與天地同和俎豆

之間而與天地同節後世不本之心術故肝膽楚越也而况於禮樂乎對客疲倦草草奉報

又

得來書知侍奉萬福進學不倦爲慰老舅霜露哀摧比經祥練追慕無異篇深絲割奈何奈何方此荼毒百骸殄瘁又聞給事叔父之計一慟欲絕奈何奈何鴻父在大學時得安問否得劉教書推與二生文藝頗慰懸情通知古今在勤讀書文章宏麗在筆墨追古至於夜行之行不見之美極須留意畧說人之常病有十種喜論人之過不自訟其過嫉人之賢已見賢不思齊有過不改而必又不稱事而增語與人計較曲直喜窺人之私樂與不

肖者遊好友其所教試反已而思之若一日去其一則十日亦盡去矣管子曰聖人貴夜行此之謂也此所謂安身之利用孟子所說曠安宅而不居者謂此等也潘君文字極有思致近又得渠書傾倒甚至多病未能即作答且爲道意不知此君能留意治心養性否古人言說得一丈不如行取一尺說得一尺不如行取一寸此至言也見徐外生奉議亦道此意數十年先生君子但用文章提獎後生故華而不實諸生寡過可討郭林宗傳觀茅季偉田仲乙安用文章也未能相見千萬自重勤務本之學

與方察院

某叩首往歲貢院得奉緒餘初不款曲還家即苦  
公私無暇日刺謁記問缺然此高明所寄喻可勿  
論也今者遭禍故歸改葬田里無緣一望光彩辱  
哀憐勞苦良厚感慰何可勝言小舟兀傲紙筆皆  
不能修敬恃相察知乃敢爾

與子正通守

道出貴部幸得承誨語又辱主人之禮勤重感服  
無以爲喻晚刻伏惟起居萬福某以悲苦裝懷不  
能一請別謹勤手狀幸照察

與仲謨運勾

叩首道出貴部數以鄙事溷煩每蒙眷憐不倦感  
愧曷已天氣小冷不審體力何似區區鄙幹幸略

集舟人以不成程次來旦乃成行無緣言面頤加  
愛重双井茶謾分上適有僕夫自遠來茶味似可  
人故往但不知此有佳醴否病餘疲瘵不次

與周子文長官

叩首比因家弟從君子游頗聞風旨罪逆餘生大  
病幾死無緣參詣昨日飯飽携小兒女扶杖經行  
偃息江濱主人之舍仍蒙顧存不得曳杖奉迎晚  
婦聞知維舟之所瞻望甚迓凶麓不敢前他日江  
上下解后林下蒿間謹奉狀

與焦君明 四首

叩頭罪逆餘生苟活未死護喪道出貴郡凶豐寡無  
緣望履幕伏蒙慈哀特垂祭奠弔問勤懇孤苦之

情感塞推絕謹奉疏稱謝万一哀荒不次

又

比辱寵顧勤懇无緣參詣霜寒承体力勝健爲慰  
石研爲船下壓疊未可見三兩日納上洪州兵級  
三十人祇候請米已數日或得分暇一給与幸甚

又

昨晚荐辱垂顧極荷眷予之勤舟卒請米已嘗面  
禱想爲審意

又

兩日不得而車從出至開先万杉想殊有樂事天  
氣晴暝不審尊候佳否嘗湏夷齊厝碑今錄上鄙  
惡不足觀也忿遽上狀草草

與晉甫 四首

叩首冬暖而雨天氣未佳不審比來何似伏奉牋  
記累幅札數過當雖懷戢勤重然甚悚及不敢承  
也此以舟楫未治淹留意緒殊不佳遠承津遣開  
濟行李非仁哀孤苦安能如是欽服高誼大不可  
言

又

不肖於公家伯仲有一日之雅又德占家復聯瓜  
葛徒以未嘗得望履烏故不能一通記問今者遭  
罹大故護喪西葬田舍道出貴部蕭然凶麓无緣  
參候伏惟豈弟之政田里所安縣齋虛閑寢膳宜  
適哀苦癯瘠雪寒手凍上狀不如礼伏幸痛察

又

四順湯法今詳錄上大槩欲藥材精耳舟次風雨  
賓客不可少駐清暉閣大是佳處但風寒尔煩指  
麾借簾數間遮映前後更得兩青條則足矣鄙事  
溷高明悚惕悚惕

又

損惠賜茶感刻送酒香味擷佳從來苦都城厨醞  
味如父錫不謂步兵奇醞乃出大旆之下細酌風  
味如對清論欽羨欽羨

與閻伯仁 三首

叩首昨日幸得面少慰馳仰已約不再謝間居想  
難得車乘幸勿出也双井白芽半斤許頗新香謾

臣聖啟甲呈進

人經室以助靜緣願坐進此道以觀芸芸

又

叩首過蒙致奠實深哀感掃榻久矣不聞足然想  
間居粹不能致鞍乘爾楚州杏仁此邦玉泉皆云  
是其良想杜門亦賴此陶寫故謾往遣人負轎冀  
能一臨耳

又

早辱訪別勤甚哀憐孤苦病羸意深厚矣恨行李  
匆匆不能求教款曲耳又煩郵及餽粥致伊蒲之  
助感不可言

答人

某叩首即日不審孝履何如伏惟尚能支持某昨

以八月出都至盱眙大病幾死殆不能勝喪幸出  
大江以來即无恙然風波處處淹留百憂所會正  
月八日乃至双井山川如昔觸事隕心柰何柰何  
到家得所惠書存問勤篤感慰无量旅擷即次已  
二十餘日賓客未間撥性作此狀極草草

與德奉宣義

叩首罪逆餘生苟活未死扶護假道辱地主之礼  
甚厚不肖之孤哀摧感塞雖欲稱謝无地寄言別  
來日欲作書以近鄉里處處賓客來弔祭略无暇  
日以正月八日到家親賓至今未間雖懷仰不忘  
未能近筆墨蒙存問勤懇大慰馳情比承太守已  
到官想王事不至勞動体力勝健哀悴之餘得還

里舍長守墳墓未有參對之期惟冀若時自愛

與人二首

叩首不孝之行負於神祇不能即死禍延所持奄  
棄奉養叩地號天無所告訴煩冤荼毒肺肝摧裂  
不孝深蒼天罪逆深蒼天山川悠遠扶護難勤日  
月不居遽復改歲追慕不逮痛深剝割柰何柰何  
伏蒙慈哀遠垂弔問悲摧感塞大不可言孤苦病  
羸餘生無幾待盡朝夕謹奉疏称謝萬一哀荒不  
次

又

某叩頭罪逆餘生苟活未死伏蒙慈哀曲垂弔問  
悲感之情摧絕不勝凶麓無緣參詣稱謝萬一馳

嚮而已午刻不審尊候何如謹附承動靜哀塞不  
次

與本州太守 三首

某孤陋寡聞在廷不見比數雖獲同舍未嘗得望  
風采切懷願見之心舊矣罪逆孤苦死亡無日伏  
承大旆來鎮鄱州未委溝壑猶託庇爲越在衰削  
無緣修桑梓之敬切推高明鑒此哀悃伏承下車  
將閱月惟君子之政樂且使驟寡皆得職於窮山  
田畝之間伏想囑訟之聲不至於庭下齋閣閑虛  
起居萬福鄱州江山粗足爲東南之勝使者皆中  
朝名士想復得登臨之助無緣承請緒言惟有馳  
情

五首

又

孤苦病羸蕭然在衰削之中方勤窳窳之役人事  
幾欲廢絕且復多故多病故欲以書疏通記室者  
非一日臨紙屢廢幸緩至此非高明孰能察其哀  
疚之情

又

某啓春雪苦寒不審尊候何如伏惟忠厚之氣內  
外受福小人之桑梓實霑餘潤惟是望風懷想之  
日又未能承教但馳情尔

荅何斯舉 五首

某叩頭孤苦病羸苟活未死僅能餽粥以奉窳窳  
幸以中外之助二月初吉獲畢大事迄茲無悔惟



是永失慈蔭無望願復煩冤荼毒肝肺摧裂不孝  
柰何柰何伏蒙慈哀存問勤懇悲摧感塞大不可  
言復承惠示須所作詩每篇皆有佳句哀悴之餘  
頗以慰釋惟不徒見於言載之行事立則參於前  
坐則伏於几乃爲得之耳未緣會晤惟有馳情千  
萬爲親強孝自愛

又一

叩首不復能通書孤苦憔悴之狀不言可喻矣中  
間每見邠老龜父兄弟詩卷中有佳句未嘗不求  
歎也辱書累紙思意勤懇但增感塞參前堂佳句  
甚高秀欽嘆欽嘆參前堂但前對溪山脩竹古木  
森然頗助觀已其後夏日皆綠陰不見日耳上木

之功則極草草又堂中之人哀悴廢學甚不稱佳  
句也太和詩似不必作有微意具駒父書幸取觀  
之未緣會集唯強孝自重

二

外甥鴻父得託貴門相與遂有葛瓜良以爲慰諸  
令弟想講孝不倦哀悴昏塞不記貴字欲奉字曰  
斯舉不知可用否取論語所謂色斯季矣者但恐  
或犯諱字因來示喻陳季常所刻蘇尚書詩集煩  
爲厚紙印一本見寄只封在鴻父處亦可爾

三

江黃州遂至於此令人氣塞中間雖見邸報不悉  
季共護喪向何所今定如雍北耶承季共毀瘠甚

可念朝夕作書寄通但此既在深山中寓書四方未必達耳

又

叩首春來寒燠未節承侍奉萬福為慰令弟想進  
孝無恙承示喻親友離群有獨孝之憂苟無其人  
當論其世友古人於黃卷之間宗伯蘇端明之詩  
筆語妙天下於今為獨步當激賞其妙處率馬以  
驥 觀斯孝詩句多自得之它日七八羊少皆當  
壓倒老夫但須得忠信孝友深根固蒂則枝葉有  
光輝耳傾深念之寄惠蘇公詩集亦自有用處要  
欲得一本厚紙者藏之名山耳季常所寄亦是此  
一種紙嘗料季常為用厚紙印耳斯孝者觀

色斯孝矣翔而後集已極古人去就之意無可措  
言欲作序者但為之華藻耳哀悼以來文思枯涸  
幾如并谷射鮒俟寒泉稍集即當下筆

山谷老人刀筆卷第五

臣瞿啟甲呈進

山谷老人刀筆卷第六

丁憂二

與李德叟

三姪太君伏惟履此春和尊候萬福蒙哀卹存問  
不勝悲感某兄弟罪逆不死幸畢先孃孃大事日  
待盡於墓次耳此亦粗能饋粥不煩憂念外家多  
故只使人意塞伏想白首懷道能照世間煩惱根  
本自得輕安以享子孫之福祿白苾一疋頗精賦  
恐可以作道服白曬荔枝二百謾送下茶輕瀆恐  
悚大姨安樂想侍奉不懈持齋誦經漸能平喜怒  
也麥穗一疋謾寄所謂千里鵝毛也

跋前書附

某少從學外家張夫人飲食教誨之有母之道焉  
食貧隨官南北盛德未報往得罪棄於黔州而夫  
人捐館舍不得盡哀於銘旌之前未嘗不隕涕也  
何仁表之妻出舊書讀之愴然崇寧元年九月甲  
申繫舟樊口題

與呂晉甫 二首

比辱車騎臨顧恩意良厚適到家日苦賓客肴具菲  
薄不足以淹留君子於今愧悚比方掃除 岩下  
草堂日親鋤灌林影水聲可以永日恨公不能來  
耳雙井四餅皆今年極嫩者又玉沙芽一斤以調  
護白芽然此品自佳氣味但未得過梅香色味  
皆全爾公留意茲想不可欺也

又

叩首別後忽復春夏哀苦窮窘多病嬰纏日力不  
自給久失修問即日初暑不審何如伏惟平易之  
政民有畏罪懷仁之心訟庭寂然縣齋燕處有以  
自娛聞者已在湖口解印想必有期遂有相遠之  
嘆臨書增懷

與張和叔通判

叩首罪逆餘座苟活未死大事未畢哀痛無已不  
能數書歲中亦三四寓述示諭自得南康書後不  
復知安否更煩公遠思又十三妹憂煎不可言相  
望數千里此情何以堪也四月初時託轉運司寓  
遞計必得達入夏來不審宅中尊幼皆佳否齋郎

及兩晏郎婦各常得安問左右兒女皆長茂揚家  
時得書否大娘令人不忍思之柰何柰何承合肥  
闕不遠稍向南來以爲慰或聞野夫舅恐得合肥  
不審何以處之某項在淮南雖一大病然至江上  
即能飲食今雖差瘦如昔時色力大都不覺衰悴  
也却是元明居喪來絕葷酒初甚癯悴旣畢大事  
心意稍寬將息得甚完復矣給事叔奄過小祥傷  
痛傷痛宅中幸無它常相見但十八新嬾時時服  
藥未得脫然安樂耳十三妹切勿憂家中人生但  
且自保安樂而已無事時唯看經可以寓意三姪  
修行應更勝進九姪念四姪逐日念經聲不輟也  
未緣會面臨書隕涕千萬將愛書或不達慎勿憂

煎不次某叩首上

荅蕭子孝

與足下之先君子游於今三十年常恨濟父不見  
用於時又愧碌碌隨食南北不知濟父一止一壑  
便足了一生也此辱以先君子之治命見囑作銘  
方此銜哀墓次待盡朝夕何得復有文思又承窀  
穸有期不敢但已以孤泉下之顛率爾就此不知  
可以傳後否試持與君表議之可用即摹刻也哀  
情墳壙不倫次

洮研一枚墨四種漫住爲臨池之用

與胡少汲 五首

某叩首春未得莊僕回所惠書即附慰疏問唐巨

窀穸遠近及念九兄弟處喪何如學問可望否張氏女得所否何以書至今未達耶計是奉新莊夫非有所調發不往故直留前書在村舍爾足下手足之痛相及在體於人情豈能堪然當以承祭祀爲重以道印爲智慧之用知其兒女痛痒則不孤兄弟所以相期者矣惠寄斲筆油拳皆山中所闕多感多感參前堂蓋取所謂立則見其參於前矣此處有前後堂前堂面竹竹外脩溪脩溪以南幕阜山重疊無際後堂比桃李皆數十尺盛夏綠蔭甚可愛二甥誤傳堂意致公佳作失經旨所謂使陳壽不美於史迂固之罪也諸詩皆有勝處知別後不忘學欽嘆所須伯夷廟碑及近文以盛暑揮

汗作書不復可及此物秋涼後或得手抄數篇也

又

某頓首辱書勤懇并惠示參前堂詩詞意深遠欽歎欽歎霜後頗寒不審彼氣候何如即日想進學不怠體力清勝遠寄山薑甚副所須蓋比居山堂中晨起常氛霧蒙遠近日高乃相辨故須此耳舉道者碑甚佳不知彼方猶能傳奉道者語錄否試爲尋訪舊於文字中似見有之耳公家與不肖薄有瓜葛又是年契不但以令兄游從故爲兄弟文人行非所以見處幸改之百冗奉狀草草

又

某叩首頃得相見甚愛風度高明恨未款語耳前

年辱佳句并斷簞適遭大故哀荒幾死天幸扶護  
歸次鄉里山川如昔觸緒隕心多病多故不復能  
與人事又賓客未嘗去門以是去年復辱書亦未  
能作咎然間獨思念公於不肖勤又懇非有佗  
求特以草木臭味同尔相求於一世之所棄故雖  
淡薄如此想必不凝滯於膏次也承以令兄之哀  
疾苦復作幸即輕安家事所寄憂責未女唯寬懷  
自重

二

晁嫂必孝友解事家居唯雍睦則不以細故傷大  
義亦使亡者無憾於下泉矣念九當此多難能自  
奮發否公道學頗得力耶治病之方深求禪悅炤

聖聖成甲呈進

破生死之根則憂畏淫怒無處安脚病既無根枝  
葉安能爲害投子聰老是出世宗師海會演老道  
行不愧古人皆可親近殊勝從文章之士學綺言  
妄語增長無明種子也聰老尤喜接高明士大夫  
渠開卷論說便穿得諸儒鼻孔若於義理得宗趣  
却觀舊所讀書境界廓然六通四闢極省心力也  
然有道之士須以至誠懇惻歸嚮古人所謂下人  
不精不得其真此非虛語

又

某頓首辱書逼在邑中以故未得即歸又當往府  
中謝諸公所以未得如前約錄近文奉寄爾自州  
中歸冬夜長可手寫數篇往也二年來尤覺眼力

不足數日來漫服椒乃似有益冀漸得力冬夜可  
觀書耳年垂五十百衰相現故思如少汲政好勤  
學爾所報令兄房兒女詳悉甚慰誨諭存心處竊  
願公如此耳古人學問亦無別用處舉斯心以加  
諸彼而已

與潘子真 二首

庭堅叩頭子真足下累辱惠書及詩切伏天才高  
妙鍾山川之美有名世之資未嘗不歎息也黃鵠  
一舉千里非荆雞之材所能啄抱以是久未知所  
答雖然有一於此可少助萬分之一致遠者不可  
以無資故適千里者三月聚糧又當知所向問其  
道理之曲折然後而無悔鉤深而索隱溫故而知

皇朝甲子進

新此治經之術也經術者所以使人知所向也博  
學而詳說之極支離以趨簡易此觀書之術也博  
學者所以使人知道里之曲折也夫然後載司南  
以適四方而不迷懷道鑒以對萬物而不惑曾子  
曰尊其所聞則高明矣行其所知則光大矣聞道  
也不以養口耳之間而養心可謂尊其所聞矣在  
父之側則願如舜文王在兄弟之間則願如伯夷  
季子可謂行其所知矣欲速成患人不知好與不  
已若者處賢於俗人則可矣此學者之深病也齋  
心服形靜而後求記已若無此四病則善矣若有  
似之願留意也

又



大門養道正園宴居數十年其明於天下之義理必深矣試以不肖之說請之倘以爲然足下加意垂聽幸甚若夫發揮樂善之心吹噓詩句之美推之諸公之前挽之青雲之上雖無不肖之助當世君子皆當爲足下羽翼也若足下亟知小道不足以致遠發憤忘食追配古人則九萬里風斯在下矣古人有言三折肱知爲良醫不肖嘗病於是故不敢不以告惟照察幸甚

與徐甥師川 二首

得手記審秋來侍奉萬福間居不廢問學甚慰懷想老舅窮露病羸比經先親練祥追慕不逮痛深剝割又聞叔父給事之訃號動塞絕門戶陵遲一

至於此痛毒之情殆不能堪遠承慰恤曷勝哀感所寄吉州舊句并得見諸賢和篇皆清麗有句法讀之屢歎糠粃在前老者增愧耳甥人物之英也然須治經以深其本行止語默一一規模古人至於口無擇言身無擇行乃可師心自行耳君子之言行不但爲賢於流俗而已比其大成使古之特立獨行者皆立於下風也多病意常憤憤書詞不次

又

辱書存問勤懇見所作二詩皆有老成之氣它日學問文章當不憂但念當得智慮深遠老於世故者琢磨乃爲有益好學之士常病人我最難調伏

能日三省此事去道不遠矣古人治水十九年於外三過門而不入然而不矜不伐則於世間知書能文亦不足驕人矣潘君詩曰中觀其人甚刻厲不輕浮然不知於治心養性有少工夫否凡倦殼軒詩卷中人但能訥言而敏於行皆足以追配古人矣今人不足驕也不知甥與諸友嘗如此念之否多病草草因來有新作寄惠爲望

與運判大夫 二首

某叩頭秋暑未艾不審尊候何如南方下濕夏秋來不病風土否歲氣豐稔度諸郡亦少事未出按部否小人致力墳墓尚能饘粥爾然直經之中無階參侍曷勝懷仰伏祈調護寢膳以須陞擢某叩

頭

又

孤苦病羸苟存視息以奉大事私門多故叔父給事又棄昭代創鉅痛深加以剝割荼毒之情寔不可堪以是欲作記承動靜心意憤憤臨紙輒廢伏惟高明忠厚能略細故未緣瞻近曷勝馳情謹勒  
叅候

與聖弼 五首

叩頭承邑中積弊之後事須裁割想游刃有餘即日就緒某村居草木蒼翳伏承旌旆屈臨存問之意甚厚慰此榮獨感服無以爲喻秋晴頗復暄燠不審體力何似推四郊無事侍奉萬福爾然凶莛

無階修敬不次

又

伏承手誨審雨寒侍奉萬福為慰風雨之旆當至  
興化衝涉良苦回騶能少駐謹掃榻奉俟不次

又

日月川流忽復季秋改朔霜露無依待盡草土時  
節往而不反追慕慈哀書疏存問恩意千万悲摧  
廣塞大不可言哀羸蕭然不得請於將命謹勒手  
狀不次

又

經過得款語甚慰幹務鎖碎曲煩調護精密非篤  
於親舊之義安能若是感佩不可言寒霜即日想

正德九年

王事不至勤勞頗得暇近書冊時發朝夕於此相  
聚頗耽揮悅使旅人忘懷也尚阻參承千萬珍重  
謹奉手記

二

公從仕土下之交皆得其驩心又勤於公家可以  
無憾惟少讀書耳能逐日輟一兩時讀漢書一卷  
積一歲之功所得多矣遇事繁暫輟明日復續則  
意味自相接空時亦不須貪多但要有序耳

答唐彦道 四首

某罪逆餘生苟活不死湮伏田里曠絕人事初不  
知長者近在鄰州不獲修記承問忽辱墜教恩意  
勤懇承宴居仁里將十年眉壽康彊知止之風有

激貪懦老成之化功在後進曷勝欽嘆欽嘆即日  
天氣暄暝伏惟體力輕安水濱林下不資扶持數  
舍相望無緣承教臨書增情謹勒手狀候起居伏  
冀若時自壽以福遠親

又

某嚙哀墓次祥禱奄欲除尽日月如流悲慕無已  
未失顧復長爲窮人柰何柰何損惠粉麪繼此飯  
蔬拙於生事貽親戚之憂愧感愧感山居粗了太  
事略不成生涯無佳物可謝來賜祗增愧尔謹勒  
叅候

又

相與爲瓜葛臭味旣同又託肺腑相親屬也何故

某等甲呈進

方復以園封長牋爲賜耶尔後願得手誨數字貴  
可數也適以大事初畢虞祚復二累日乃辨數年  
隱約田里無緣得面少聞緒言臨書增懷頓首

又

承示南園石刻鄙文拙字豈足傳遠徒有多愧尔  
石刻鐫模頗可人但墨蠟功不至耳

荅朱時發 四首

叩首不得款語忽復歲尽多病多故不能數書惟  
有馳情耳孤苦病羸每承問訊勤懇感激感激比  
審尊小在廬南令弟已赴太平菱橋間靜有以自  
處甚慰前辱寄連土木極爲用多荷多荷黃相亦  
佳惠但不若萋蒿尔因人到馮家庫時帶得數束

萋蒿來乃佳多事奉記草草千萬爲道自重

二

承喻曉老頌極荷琢磨之惠曉不能引弓自射蝕月之心不死所以不能以法供養延致十方明眼兄弟求安樂法遽自退席亦無利益因果歷然一切心造老夫不別時機按牛喫草乃是道眼不明耳但世諦中有如許事若拈却臚脂帽子脫下狐臭布衫豈足更顧惜也所云四果仙人惑衆得非通城燒香薰客者乎聞但勸人誦經燒香耳若然者亦不足深咎也

又一

承手誨示諭慧林老人報緣傾懷雖蹉過一着然

心如木石行如冰雪豈可多得亦見叢林後生薄福耳七佛等偈并送又大通真贊同往此正是雕鏤虛空耳

二

洪源鄭居士子通趣尚清潔又老於世故凡与之游有霧露之潤也頗嘗從容否因以公之所餘矧其山居之乏甚佳渠雖无求於人士大夫自當動心也元明及諸弟姪亦奉承動靜近圓兄行各已作書矣兒女輩幸各着糟撇煩存問多感令嗣讀書必勝進

山谷老人刀筆卷第六

刀筆卷第六

十一

山谷先生集卷第六

山谷先生集卷第六

十一



